

# ATHLETICICLE

Divendres,  
10 d'abriu de 2026

Aué,.....



## MISSION ESPACIAU TARA LUA

**CI** Aquesti dies s'a viscut damb emocion ua mission tripulada<sup>1</sup> tara Lua. Cap d'astronauta i auie anat des der an 1972. En aquest viatge, ua des hites<sup>2</sup> ère recuelher dades sus era cara oculta dera Lua.<sup>3</sup> Aquerò òc, sense aterrar-i.

Es quate astronautes dera nau Orion an obtengut fòrça informacion damb ua trentea de camèras e d'auti aparelhs. Tanben an estudiat es comunicacions espacials. De hèt, mentre èren darrèr dera Lua, non s'an podut comunicar damb era Tèrra pendent 40 minutes.

Era mission a batut eth recòrd des umans qu'an arribat mès luenh dera Tèrra. E gràcies as dades arrenhades, coneishèrem milhor era Lua e eth sistèma solar, e se poderà premanir mès ben un futur aluatge.<sup>4</sup>

**?** Quini an estat quauqu'uns des objectius dera mission? | Des de quan cap d'astronauta non anaue tara Lua? | T'agrade veir imatges espacials dera Tèrra e era Lua? Perqué?



▲ Es astronautes ena nau Orion

**tripulat:** que pòrte persones.

**hita:** objectiu.

**cara oculta dera Lua:** cara dera Lua que des dera Tèrra non ei mès vedibla.

**aluatge:** aterratge sus era Lua.



## ETH BALANÇ<sup>1</sup> DERA SETMANA SANTA

**Dies de bon temps, torisme e mones**

**CS** Es previsions de bon temps afavoriren<sup>2</sup> eth torisme<sup>3</sup> pendent es dies de Setmana Santa. Molta gent gessec entà gaudir des pistes d'esquí, dera montanha o de visites a desparsats punts de Catalonha. Aquerò òc, en quauqui punts bohèc fòrça eth vent e s'auerren de suspèner es activitats ar aire liure.

Entre es tradicions pròpies de Setmana Santa, e Catalonha subergés era Dança dera Mòrt, en Verges. Se tracte d'ua dança d'origina medievau<sup>4</sup> en qué cinc persones vestides d'esquelèt baren seguint eth ritme d'un tabard.<sup>5</sup> A despiet de que se patic peth fòrt vent, finaument se podec hèr.

Tanben se manten era tradicion de minjar mona eth Deluns de Pasca. Agust an, entre es figures mès demanades enes pastisseries i a agut es guerrères K-pop, es personatges de Stranger Things, era cantaira Rosalía e diuersi fotbolistes deth Barça.

**?** Quina incidència a agut eth temps en agusti dies hestèrs? | Quines son quauqu'ues des costums o tradicions de Setmana Santa? | Qué t'agrade hèr es dies hestèrs?



◀ Tres esquelèts dera Dança dera Mòrt. Foto: Assoc. Era Processon de Verges

**balanç:** valoracion des aspèctes positius e negatius de quauquarren.

**afavorir:** anar ben per quauquarren.

**torisme:** hèt de viatjar entà conèisher un lòc, descansar, etc.

**medievau:** dera edat mieja, periòde istoric entre es sègles VI e XV en Euròpa.

**tabard:** tambor.



## VOCABULARI



## ERA SITUACION EN ESTRET D'ORMUZ

Er anonci d'ua trèva pòt desencalar era exportacion de petròli

**estret:** franja estreta de mar entre dues tèrras.

Er estret d'Ormuz ei un lòc de pas important. Per ací gessen fòrça petrolièrs que hèn a arribar productes hèti damb petròli, damb era gasolina o eth gasòil, cap a d'autes parts de tot eth mon. L'an de besonh entà hèr a anar es coches, es avions e moltes fabriques, mès tanben entà hèr a foncionar quauqui cauhatges e fabricar adòbs.



▲ Situacion der estret d'Ormuz  
Mapa: A Punt NTC

**adòb:** producte qu'enriquís era tèrra tà qu'es vegetaus i creishen mès ben.

**refineria:** fabrica a on se premanís eth petròli entà hèr-ne diuèrsi productes.

**contundent:** molt dirècte, fulminant, drastic.

**profitar:** hèr a servir quauquar- ren de manèra utila, treiguent-ne eth maxim profit e evitant que s'es-perdís.

**esperdici:** hèt de lançar o non profitar ben es causes, coma eth minjar.

**residu:** quauquar- ren que ja non se vò e se lance, coma es lordèrs.

**entitat:** organizacion o grop de personas que trabalhen damb ua finalitat, coma ajudar o aufrir un servici.

Hè quauqui dies, Trump menacèc a Iran entà que daurísse eth pas. Iran tanben se mostrèc contundent. Mès en darrèr moment Iran anoncièc que deisharie passar petrolièrs per estret pendent dues setmanes. Segons sembla, quauqui païsi, com Pakistan o Turquia, an mediat entre es Estats Units e Iran.



*Perqué era nòsta societat depen fòrça deth petròli? | Perqué s'a encarit darrèrament? | Quini limits meteries ara liura circulacion de personas e mercaderies? Perqué?*



## UA NAUA LEI ENTÀ EVITAR LANÇAR MINJAR

Es empreses auràn de redusir er esperdici

A compdar d'ara, ua naua lei vò evitar que se lance minjar en bon estat. En fòrça lòcs, coma supermercats o restaurants, encara se lancen aliments que se poderien profitar. Era naua norma obligue as empreses a organizar-se milhor entà redusir aquest esperdici e profitar eth minjar abans de convertir-lo en residu.

Era lei demane qu'es empreses hèsquen plans entà detectar a on se pèrd eth minjar e trobar-i solucions. Era prumèra opcion tostemp serà evitar lançar-lo. S'aquerò non ei possible, s'aurà de dar a personas o entitats que l'agen de besonh. Sonque en darrèr cas se poderà utilizar entà d'auti usatges, coma neurir animaús o hèr energia.

A mès, era lei previe multes importants entà qui non la complisque, que pòden arribar enquiàs 500.000 euros. Er objectiu ei clar: profitar milhor es aliments, ajudar as personas e evitar que se lance minjar sense motiu.



*Qué an de hèr es empreses abans de lançar aliments? | Qué li pòt passar a qui non complisque era lei? | Perqué cres qu'ei important non lançar minjar?*





# ROSALÍA EMPLÍS MADRID DE MUSICA



VOCABULARI

Era cantaira catalana Rosalía a hèt diuèrsi concèrts en Madrid aquesti dies e an estat un exit totau. Molta gent a emplit eth recinte<sup>1</sup> entà veir-la cantar e barar en dirècte. Quauques persones tanben anauen vestides de blanc, coma era cantaira, seguint er estil deth sòn nau espectacle.

Es concèrts formen part dera sua naua virada<sup>2</sup> e a estat un gran espectacle de lums, musica, dançaires e suspreses. Tot ère plan ben premanit e pensat tà qu'eth public viuesse ua experiéncia especiau e diferenta.

Aquest espectacle tanben auie un detalh curios:<sup>3</sup> es fotografs des diaris non i poderen entrar, e aquerò a hèt que s'agen vist mens imatges des concèrts d'aquerò qu'ei abituau.

**?** Com anauen vestidi quauqui fans de Rosalía? | Qué i a agut de diferent en aquesti concèrts? | T'agradarie anar tà un concèrt atau d'espectacular? Perqué?



▲ Rosalía daurís es concèrts vestida de balarina

**recinte:** lòc gran a on se hè un espectacle o ua activitat.

**virada:** sèrie de concèrts qu'un artista o grop hè en diferents ciutats.

**curios:** que suspren o cride era atencion.

**xenofòb:** que mòstre òdi cap as estrangèrs.

**afrontament esportiu:** partit.

**racista:** que discrimine o òdie a persones pera sua origina etnica.

**indignacion:** irritacion o ràbia que provòque un hèt que se considèrè injust.

**Fiscalia:** organisme de justícia d'un estat que s'encuede d'investigar delictes.

**instigador:** persona qu'anime o incite a d'au-tes persones a hèr quauquarren, especiaument s'ei negatiu o prohibit.



## UN PARTIT DAMB CRITS XENOFÒBS<sup>1</sup>


Es Mossos investiguen era origina des cantics

Eth partit amistós entre Espanha e Egipte acabèc damb empat a zèro. Mès es notícies sus er afrontament esportiu mès lèu se centrèren ena situacion viscuda en camp quan sonèren fòrts shiulets ar imne d'Egipte e cantics racistes.

Despús qu'escotèsse ua shiulada mentre sonaue er imne d'Egipte, i auec tanben crits racistes. Mès endauant, un bon grop d'afeccionats hec cantics de «Musulman qui non saute». Ena mieja part, es pantalles deth camp mostrèren messatges contra era violéncia, eth racisme e era xenofòbia en espòrt.

Diuèrses autoritats, coma eth conselhèr d'Espòrts dera Generalitat, er alcalde de Barcelona e diuèrsi ministres, an condemnat es hèts. Tanben manifestèren era sua indignacion<sup>2</sup> er entrenador dera seleccion espanhòla e eth madeish Lamine Yamal, qu'ei musulman. Ara es Mossos d'Esquadra e era Fiscalia<sup>3</sup> investiguen es hèts entà denonciar-ne as autors o instigadors.<sup>4</sup>

**?** Quini hèts grèus passèren en partit entre Espanha e Egipte? | Quines reaccions i a agut dauant d'aquesti hèts? | Com cres que s'a de lutar contra eth racisme e era violéncia en espòrt?




▲ Cartèu informant dera legislacion pera prevencion dera violéncia. Fòto: 3Cat

**JUGUEM!**

**Laberint**

Troba el camí que ha de fer el mico per arribar al plàtan.




**Compta els cubs**

Quants cubs petits més fan falta per completar el cub gran? De quants cubs petits està format el cub gran?


Cubs que hi falten:

Total de cubs:



**Codi secret**

Descobreix què diu aquest missatge.



A	B	C	D	E	F	G	H	I	J
👤	👤	🍓	🕒	👗	👍	🏀	🖋️	🐦	☂️
✉️	🦋	☕	🐟	🚲	📺	👣	🍦	📌	📷
💡	🚢	👓	📦	👩	🦷	🌸	☁️		

**Dibuixos encreuats**

Quants animals hi ha en aquesta imatge?.....  
 Quin d'aquests no pertany al grup?.....



# el tricicle

Setmanari per a nens i nenes

**Una publicació de:**


Tracte Comunicació Global  
 Passeig Bertrand, 25, 2a  
 08980 Sant Feliu de Llobregat (BCN)  
 Tel. 619 787 788 - 93 782 45 13  
 eltricicle.cat  
 eltricicle@eltricicle.cat



## SOLUCIONS N. 355

### Laberint

Troba el camí que ha de fer el mico per arribar al plàtan.




### Compta els cubs

Quants cubs petits més fan falta per completar el cub gran? De quants cubs petits està format el cub gran?


Cubs que hi falten:  
 38

Total de cubs:  
 150



### Codi secret

Descobreix què diu aquest missatge.



Els ocells tornen a cantar, la primavera acaba d'arribar.

A	B	C	D	E	F	G	H	I	J
🐦	🎩	🍓	🕒	👜	👍	🏀	🕯️	🐦	☂️
K	L	M	N	O	P	Q	R	S	T
✉️	🦋	☕	🐟	🚲	📺	👟	🍦	⚓	📷
U	V	W	X	Y	Z	.	-		
💡	⚙️	🔍	📦	🌸	🦴	🌼	☁️		

### Dibuixos encruats

Quants animals hi ha en aquesta imatge? 7  
 Quin d'aquests no pertany al grup? Pingüi

